




# PENGARAP NGELABAN SEMUA PENYAKAL

Lesson 5 for May 4, 2024

“Aku udah nyimpan adat Nuan dalam ati aku,  
ngambika aku enda bedosa ngelaban Nuan”  
(Masmur 119:11)



Ba abad ti ke 16, pengawa Wycliffe ke digelar “bintang refomasi” ke udah berengkah 200 taun tumu agi, diatu berepun deka manchar enggau tampak. Punchak refomasi diatu udah datai.

Ubah tu bepelasarka 5 iti pekara:

- ★ 1. *Sola Scriptura* (Bup Kudus aja)
- ★ 2. *Sola gratia* (Pengasih aja)
- ★ 3. *Sola fide* (Pengarap aja)
- ★ 4. *Solus Christus* (Semina Kristus)
- ★ 5. *Soli Deo gloria* (Mulia semina ngagai Allah Taala aja)



**Pelasar pengarap:**

- ⬡ *Sola Scriptura* / *soli Deo gloria*.
- ⬡ Genap iku orang bisi Bup Kudus.
- ⬡ Penyalin Bup Kudus.



**Pelasar penyelamat:**

- ⬡ *Sola gratia* / *sola fide* / *solus Christus*.
- ⬡ Mansang dalam pengasih.



# PELASAR PENGARAP

# SOLA SCRIPTURA / SOLI DEO GLORIA

“Nuan udah bejaku ngagai aku, lalu aku mendingka semua leka jaku Nuan. Aku endang enggi Nuan, TUHAN Allah Taala ti Pemadu Bekuasa, lalu leka jaku Nuan ngasuh ati aku gaga sereta lantang” (Jeremiah 15:16)

Bala orang refomasi ba abad ti ke 16 endang amat meri ubah ngagai dunya. Tang sida enggau terang madahka diri nadai pengelebihi ari orang bukai. Sida meh orang ke udah diubah Allah Taala. Kategal nya sida madah, “Mulia semina ngagai Allah Taala aja.

Bakani ubah nya nyadi ba sida? Pengawa nyelai tu nyadi ba sida, beduduk ari sida ke bebachaka Jaku Tuhan.

Nama ke digaga Bup Kudus ngagai sida, nama ke ulih digaga Bup Kudus ngagai kitai mega?

- Iya nyadi pelasar pengarap
- Ari ti arapka semaya Iya kitai lalu berani sereta kering pengarap
- Daun iya deka baka buah kayu pengidup
- Mancharka pengelantang, pengadang, enggau penampak
- Meri kitai penunga, penetap, pengering, enggau pemintar
- Ngidupka kitai ba tubuh, runding, pengasai ati enggau pengidup roh

Ba timpuh ke petang nya, Bup Kudus ngemenuhka pengidup sida datai ke sida nyerahka pengidup deka taluk ke ajar iya. Diatu ulih meh iya ngemenuhka pengidup kitai baka nya?



# GENAP IKU BISI BUP KUDUS


“Tang jaku Allah Taala majak ngelekai lalu mayuh orang arap” (Rasul 12:24)



Tyndale (1494-1536) ngemetulka utai ke salah ari Bup Kudus Wycliffe (ari salin jaku Latin), Iya nyalin terus ari jaku asal. Iya ngeluarka Penyanggup Baru ke disalin ari jaku Grika.



Miles Coverdale lalu nerus sereta nembuka pengawa ke dikereja Tyndale lebh iya nyalin Penyanggup Lama ari jaku Ibrani (jaku asal). Nya alai, dalam taun 1535, Bup Kudus English keterubah ke dichelak lalu dikeluar.




Bup Kudus versi tu lalu nyadi pelasar ngagai salin bukai ke balat diguna ba orang ke ngena jaku English: King James Version, dikeluar ba taun 1611. Pengawa Tyndale, Coverdale, enggau bala orang ke landik bukai ke udah nyendiaka KJV udah meri empas ngagai bejuta iku orang, lalu mai sida ngagai penemu pasal Tuhan.

Iya meh orang ke enda enggau chara ti tebuka nerima ajar refomasi, tang udah balat amat meri tulung ba pengawa nyalin: Erasmus ari Rotterdam, lebh maya tu ngeluarka Penyanggup Baru dalam jaku Grika (salin tu nyadi pelasar semua salin bala orang refomasi).




# GENAP IKU ORANG BISI BUP KUDUS

Lebuh maya Bup Kudus versi English benung disedia lalu dikeluar, bala orang refomasi ke bukai sama mega besalinka Bup Kudus ngagai jaku sida empu. Baka tu meh jalai Bup Kudus ulih dibacha orang ke diau ba menua Europa, enggau ba menua baru (Amerika).



**Martín Luther**  
German (1534)



**Pierre Robert Olivétan**  
French (1535)




**Brest Bible**  
Polish (1563)



**Casiodoro de Reina**  
Spanish (1569)




**Kralice Bible**  
Czech (1579)



**Jonas Bretkunas**  
Lithuanian (1579)



**Jurij Dalmatin**  
Slovenian (1584)




**Giovanni Diodati**  
Italian (1607)



**João Ferreira de Almeida**  
Portuguese (1691)

# PENYALIN BUP KUDUS

**"Dulu ari semua utai bukai, kita enda tau enda nemu tu: nadai orang ulih nerangka jaku ti benabi dalam Bup Kudus ngena penemu iya empu" (2 Peter 1:20)**



**Lebuh Martin Luther keterubah macha Bup Kudus dalam jaku Latin, pengidup iya pen lalu berubah.**

**Lebuh iya nyilakka lambar-lambar Bup Kudus, iya nemu kuasa ke tinggi udah meri penerang ngagai runding iya. Injil lalu idup sereta bekuasa. Tradisi ke petang lalu padam, pengasih Kristus lalu angkat. Kuasa nama ke nerangka runding iya?**

**Roh Kudus, Iya aja meh ke bisi kuasa nyalin Bup Kudus, Iya meh ke mandangka pemendar ke bisi dalam bup nya. Roh Kudus ke sama ke diberi ngagai kitai, lalu Iya meh ke ngasuh kitai ulih mereti mega! (John 14:26; 16:13).**

**Berepun ari timpuh nya, tradisi ke diajar gerija enggau batang pemendar ke bisi dalam Bup Kudus lalu enda agi ulih sejalai. Utai ke ulih nyadi atur pengarap enggau perangai, semina ke ditemu dalam Bup Kudus aja, tu meh ke udah dipadahka Roh Kudus ngagai kitai.**





**“Ajar pasal Jaku Allah Taala deka nadai tuju enti saup ari Roh Kudus nadai seruran bisi. Semina Iya aja meh pengajar pemendar Tuhan ke ngasi. Semina lebuah pemendar disempulang enggau Roh Kudus tama ke dalam ati, tu aja meh ke ulih ngasuh orang tebuka runding lalu berubah pengidup. Orang engka ulih ngayanka urup-urup ari jaku Tuhan, iya engka teleba enggau semua pesan tauka semaya, tang enti Roh Kudus enda netapka pemendar nya, nadai siku orang deka labuh ngagai Batu sereta pechah”**

**EGW (The Desire of Ages, lambar 671)**



# PELASAR PENYELAMAT

# SOLA GRATIA / SOLA FIDE / SOLUS CHRISTUS

“Laban kita udah diselamatkan ulih pengasih, ketegal pengarap. Pengelepas nya ukai utai ti ulih kita ari pengawa kita; pengelepas nya pemerri Allah Taala” (Ephesians 2:8)

Tiga bengkah pelasar batang pemendar ditemu ba Epesus 2:8.

- 1 Kitai selamat semina **ulih pengasih aja**
- 2 Jalai dikena bulih pengasih semina **ulih pengarap aja**
- 3 Tu meh pemerri Allah Taala, pemerri Anak Iya: **Kristus aja**

Kategal ari dosa, kitai lalu kena ukum pemat ti meruan. Taja pia, Tuhan udah nyendia jalai dikena mayar ukum kitai sereta meri pengidup meruan (*Rom. 6:23*).

Nama kebuah kitai beguna ke Tuhan lebu ke mayar utang kitai. Laban kitai enda ulih tebayar (*Mas. 49:8; Ep. 2:9*).

Lebu Martin Luther tetemuka semina Kristus aja nyadi ke pun penatai penyelamat, iya pen lalu berengkah ngajar batang pemendar nya. Beribu iku orang ke udah dikungkung pengawa tipu munsuh, lalu lepas sereta berubah.

Taja penyelamat enda bebayar, rega iya enda ulih kira, iya chukup ke semua (*John 3:16; Rom. 8:32*).



# MANSANG DALAM PENGASIH

"Tang mansang kita dalam pengasih enggau penemu pasal Jesus Kristus ti Tuhan enggau Juruselamat kitai. Beri meh mulia ngagai Iya diatu enggau belama-lama iya! Amin" (2 Peter 3:18)



Ba jeman pertengahan kelia, orang mayuh deka ngulihka penyelamat ari sembiang mass, ngemediska tubuh diri, nemuai ngagai endur kudus enggau sekeda-sekeda ke bukai.



Semua tu semuti ngenataika penusah, lalu enda deka chukup. Lebuuh sida datai ngagai timpuh alai sida tetemuka pengasih Kristus. Berengkah ari maya nya, baru sida ulih ngasai diri endang amat lepas.

Kati pekara nya ngasuh sida ngelengkaka undang-undang tauka senurut?

John Wesley (1703-1791) siku ari orang ke numbuhka pergerakan Methodist, iya berasai tetegu ati lebuuh ke macha pemuka jaku Martin Luther ba bup Rome. Pengarap baru iya tu lalu ngiring iya ngagai pemansang dalam pengasih.

Kategal nemu diri selamat ulih pengasih enda ngasuh iya ngelengkaka pesan, tu nyau ngasuh iya lebih silik agi belajarka nya, laban awakka pengidup iya tau sejalai agi enggau pengidup ti kedeka Kristus bisi ba iya.



**“Prinsip besai ke dipegai bala orang refomasi tu, sebaka enggau ke dipegai orang Waldenses, John Wycliffe, John Hus, Luther, Zwingly enggau bala orang bukai ke sama begulai enggau sida. Tu meh kuasa Bup Kudus ke enda nemu salah, ke nyadi adat ba pengarap enggau kereja. Sida udah nulak hak Pope, raban kunsil, pedri, enggau bala rajah ti deka nguji nguasa runding orang ba pekara agama. Bup Kudus meh ke nyadi kuasa sida, ari ajar iya sida ngabas semua doktrin enggau semua utai bukai ke diambu orang. Pengarap ba Tuhan enggau jaku Iya, tu meh ke ngeringka bala orang kudus tu lebuh sida kempang berambunka nyawa diri. “Lantangka ati” pia ku jaku Latimer ngagai orang ti sama deka diukum bunuh begulai enggau iya, lebuh maya api enda lama agi deka nutup mulut sida, “sehari tu kitai deka nungkunka dian baka tu, ba England, kategal ari pengasih Tuhan, aku arap iya enda deka padam.”— Works of Hugh Latimer 1:8”**

**EGW (The Great Controversy, lambar 249)**